

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 51. stav (2) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Kantonalne uprave civilne zaštite, Vlada Zeničko-dobojskog kantona, na 121. sjednici, održanoj 13.03.2026. godine,
d o n o s i

O D L U K U

o usvajanju Programa utroška budžetskih sredstava Kantonalne uprave civilne zaštite, pozicija “Rekonstrukcija i investiciono održavanje” - izvor 10

Član 1.

(Predmet)

(1) Usvaja se Program utroška budžetskih sredstava Kantonalne uprave civilne zaštite, pozicija “Rekonstrukcija i investiciono održavanje” - izvor 10, i čini sastavni dio ove odluke.

(2) Utrošak sredstava vršit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 821 600, pozicija „Rekonstrukcija i investiciono održavanje“ u ukupnom godišnjem iznosu od 300.000,00 KM.

Član 2.

(Način realizacije sredstava)

Sredstva planirana Programom utroška budžetskih sredstava iz člana 1. ove odluke, realizirat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu i planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-4997/26

Datum, 13.03.2026. godine

Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x “Službene novine Zeničko-dobojskog kantona”,

1x a/a.

PROGRAM
utroška budžetskih sredstava Kantonalne uprave civilne zaštite,
pozicija “Rekonstrukcija i investiciono održavanje” - izvor 10

Član 1.

(Svrha Programa)

Svrha programa jeste da se odobrena sredstva iz Budžeta Zeničko-dobojskog kantona za 2026. godinu (“Službene novine Zeničko-dobojskog kantona”, broj: 24/25 i 5/26), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 821 600, pozicija „Rekonstrukcija i investiciono održavanje“ - izvor 10 u ukupnom godišnjem iznosu od 300.000,00 KM, iskoriste za izmjenu dotrajalog krova sa panel limovima, znavljanje dotrajale stolarije, nabacivanje fasade na vanjskim zidovima radi termičke izolacije, te izmjena elektro i vodnih instalacija.

Član 2.

(Visina sredstava)

Visina sredstava utvrđenih ovim programom iznose 300.000,00 KM (slovima: tristotinehiljada konvertibilnih maraka).

Član 3.

(Izvor sredstava)

Izvor sredstava: Budžet Zeničko-dobojskog kantona za 2026. godinu (“Službene novine Zeničko-dobojskog kantona”, broj: 24/25 i 5/26), razdjel 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 821 600, pozicija „Rekonstrukcija i investiciono održavanje”.

Član 4.

(Kriteriji utroška sredstava)

Kriteriji utroška sredstava: Sredstva će se utrošiti za nabavku materijala i radove iz člana 1. ovog programa u skladu sa Zakonom o javnim nabavkama (Službeni glasnik BiH br. 39/14, 59/22 i 50/24).

Član 5.

(Kategorija korisnika sredstava)

Kategorija korisnika sredstava: Kantonalna uprava civilne zaštite Zeničko-dobojskog kantona i druge institucije Kantona.

Član 6.

(Realizacija sredstava)

Sredstva za provođenje ovog programa će biti utrošena za rekonstrukciju i investiciono održavanje iz člana 1. ovog programa.

Član 7.

(Izvještavanje)

O utrošku sredstava po ovom programu Kantonalna uprava civilne zaštite dužna je polugodišnje izvještavati Vladu Zeničko-dobojskog kantona.

Član 8.
(Realizacija Programa)

Za realizaciju sredstava po ovom programu zadužuju se Kantonalna uprava civilne zaštite i Ministarstvo finansija, svako u okviru svojih nadležnosti.

Broj: 02-11-4997/26

Datum, 13.03.2026. godine

Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x “Službene novine Zeničko-dobojskog kantona”,

1x a/a.